

Lingzconh Yen Banh Ban Son Sawcuengh

灵川壮寨举办壮文培训班

Vihliux cienzmienh gvancez saedhengz dangj caeuq guekgya aen cwngcwz fazgveih gvendaengz saw vah saujsu minzcuz, eifap baujjang gij gienzleih gak minzcuz ndaej yungh caeuq fazcanj saw vah swheij, aeueiq vah minzcuz fazcanj gvilwd, haengjheiq gaihcanj guh hong saw vah saujsu minzcuz, 1 nyied 8 hauh, aen ban son Sawcuengh youz Swcigih Minzyijvej cawjbanh、Gveilinz Si Minzyijvej caeuq Lingzconh Yen Minzcuzgiz ciepbanh haenx youq Lingzconh Yen Lanzdenz Yauzcuz Yangh Funghmuzgwnh Mbanjcuengh hai ban, miz 69 boux ginzung Bouxcuengh daeuj dingq go. Swcigih Minzyijvej Yingyungcu caeuq 《Sam Nyied Sam》 Cazcise bouxlauxhangz Sawcuengh bae hawj gyoengq ginzung gangj goq.

Lanzdenz Yauzcuz Yangh Funghmuzgwnh Mbanjcuengh dwg Lingzconh Yen 2014 nienz dingh guh aen mbanj sifan yungh gangj vah minzcuz ndeu. Aen mbanj neix gungh miz 56 hoh 215 vunz, ndawde miz 195 boux dwg Bouxcuengh, dwg rangh dieg neix aen mbanj baujlouz Vahcuengh cei ndei ndeu.

Ngenz haenx, Gveilinz Si Minzyijvej lij soengq aen dennauj dij ngaenz 5000 maenz ndeu caeuq buek saw cwngcwz fazgveih、sawson Sawcuengh ndeu hawj aen Mbanjcuengh neix.

(Yangz Yungjgvangh Moz Binh/阳永光 莫滨)



▲ Ban son Sawcuengh yienhciengz.



▲ Lauxhangz Sawcuengh Vuz Yifu son ginzung hag Sawcuengh.



► Gveilinz Si Minzyijvej soengq dennauj hawj Mbanjcuengh.

Lozcwngz: Vwnzyi Roengz Mbanj Bang “Cinghseuq Lajmbanj” Gyayouz

罗城：文艺下乡为“清洁乡村”加油

1 nyied 16 hauh, Lozcwngz Mulajcuz Swciyen cujcz yezyiz vwnzyidui ndawbiengz bae daengz gak yanghcin guh “cinghseuq lajmbanj” vwnzyi byaujyenj. Gyoengq bouxyienj doenggyaq diuqfoux、yienj siujbinj、eu fwen、yienj heiqcaijdiu、ciengq go daengj hingzsisik, daeuj

senhconz guh cinghseuq lajmbanj hozdung hawj lajmbanj daiq daeuj bienqvaq moq haenx, heuh vunz lai bi moq aeu guh daengz “bouxbox baujhoh vanzging、bouxbox camgya baet dieg、caezgya daeuj cau hanz gyaunde”.

(Mungz Cwnghswh/蒙增师)



▲ Gyoengq bouxyienj ciengq go diuq foux 《Baujhoh Vanzging Baengh Daihgya》.

Bozbwz 8 Fanh Boux Nungzminz “Bienq” Baenz Bouxgunghyinz

博白近8万农民“变身”现代产业工人

Geij bi neix daeuj, Bozbwz Yen haenqrengz fazcanj aen giyez cungdenj lungzdouz, lumj aen giyez dajsan、nyibbuh、gangmeng daengj 16 aen nungzyez canjyezva cungdenj lungzdouz giyez fazcanj cei vaiq, daiqdoengh le 78000 lai aen ranz nungzminz ndawmbanj ndawsingz baihhenz guh hong, gyoengq gunghyinz moix ndwen souhaeuj dabdaengz 2000 lai maenz, boux gunghyinz hong sug haenx ndwen ndaej 5000 lai maenz, boux nungzminz gaxgonq haeuj naz guh hong haenx seizneix bienqbaenz boux gunghyinz yendai canjyez lo.

(ciuq Sinhvasze)



▲ Gyoengq mehmbwk youq ndaw ranz gangmeng guh hong.



▲ Dahsau youq ndaw ranz nyibbuh caiz buh.